



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ignis Holocausti Sev Affectus Ex Divinis literis, & Sanctis
Patribus collecti, Quibus animus Sacerdotis ad piè,
feruenterq. celebrandum disponatur**

Poiré, François

Romæ, 1639

Die Dominica Ad Deum accedam vt Regem. Ante Missam.

[urn:nbn:de:hbz:466:1-53152](https://nbn-resolving.org/urn:nbn:de:hbz:466:1-53152)



DIE DOMINICA

Ad Deum accedam

vt Regem.

ANTE MISSAM.

Directio Intentionis.

Deus cæli, & terræ. fol. 60.

Ego volo celebrare Missam.

fol. 84.

Contritio cordis.



EXAUDI, D. Aug.
 exaudi, gust. So-
 audi me, lilog. &
 Deus me. lib. 1.
 us, Domine meus, Rex
 meus, Pater meus, cau-
 sa

88 *Die Dominica*

fa mea, spes mea, res
mea, honor meus, do-
mus mea, patria mea,
salus mea, lux mea,
vita mea; exaudi, exau-
di, exaudi me more il-
lo tuo paucis notiffi-
mo, Iam te solum amo,
te solum sequor, te so-
lum quero, tibi soli ser-
uire paratus sum, quia
tu solus iustè domina-
ris, tui iuris esse cupio.
Iube, quæso atque im-
pera quicquid vis, sed
sana, & aperi aures
meas, quibus voces
tuas audiam. Sana, &
aperi oculos meos, qui-
bus

Contritio cordis. 89

bus nutus tuos videā .
Expelle à me insaniam
vt cognoscam te . Dic
mihi quā attendam vt
aspiciam te, & omnia
me spero quæ iusseris
esse facturum . Recipe
oro fugitiuum tuum .
Domine clementissi-
me pater . Iam iam sa-
tis pœnas dederim; sa-
tis inimicis meis, quos
sub pedibus habes, ser-
uierim; satis fuerim
fallaciarum ludibriū .
Accipe me ab istis fu-
gientem famulum tuū,
quia & isti me quando
à te fugiebam accepe-
runt

90 *Die Dominica*

runt alienum . Ad te
mihi redeundum esse
sentio . Pateat mihi
pulsanti ianua tua .
Quomodo ad te per-
ueniam doce me . Ni-
hil aliud habeo quam
voluntatem: nihil aliud
scio nisi fluxa, & cadu-
ca spernenda esse; cer-
ta & æterna requiren-
da . Hoc facio , pater,
quia hoc solum noui:
sed vnde ad te perue-
niatur ignoro . Tu mi-
hi suggere, tu ostende,
tu viaticum præbe . Si
fide te inueniunt qui
ad te refugiunt , fidem
da :

Contritio cordis. 91
da: si virtute, virtutem:
si scientia, scientiam.
Auge in me fidem, au-
ge spem, auge carita-
tem.

O admiranda, & sin-
gularis bonitas, ad te
ambio, & quibus rebus
ad te ambiatur à te
rursum peto. Tu enim
si deseris, peritur hic:
sed non deseris, quia
tu es summum bonum
quod nemo rectè qua-
sivit, & minimè inue-
nit.

Desi.

Desiderium, & Amor.

Gen. 44 **E**T nunc oro, Do-
 mine mi Rex, lo-
 quatur seruus tuus ver-
 bum in auribus tuis,
 & ne irascaris famulo
Psalm. 9. tuo. Tu, Domine, im-
 molasti victimas tuas,
 miscuisti vinū, & pro-
 posuisti mensam tuam,
 misisti ancillas tuas vt
 vocarent ad arcem, si-
Cant. 3. quis esset paruulus ve-
 niret ad te. Tu dixisti
 egredimini, filia Sion,
 & videte Regem Sa-
 lomo-

lo
 te
 m
 sp
 la
 d
 tu
 &
 p
 &
 in
 p
 a
 ig
 m
 v
 C
 fe
 te

Desider. & Amor. 93

lomonem in diadema-
te, quo coronauit eum
mater sua, in die de-
sponsationis eius, in die
lætitiæ cordis eius. Tu
dixisti, Domine, seruo
tuo, Exi citò in plateas,
& vicos ciuitatis, & *Luc. 14.*
pauperes, ac debiles,
& cæcos, & claudos
introduc huc, & com-
pelle intrare vt imple-
atur domus mea. Ne *4. Reg. 14.*
igitur auertas te à fa- *S. Aug. Soliloq.*
mulo tuo, & dicas; Nō *B c.*
videbis faciem meam.
Ostende te mihi, Con-
solator meus: Videam
te, Lumen oculorum
meo-

94 Die Dominica

meorum. Veni gaudiū
spiritus mei: Videam
te, lætitia cordis mei.
Diligam te, vita animæ
meæ. Appare mihi, de-
lectatio mea magna,
solatium meum dulce,
Domine Deus, vita
mea: & gloria tota ani-
mæ meæ. Inueniam te,
desiderium cordis mei:
teneam te amor ani-
mæ meæ, *Pfal. 17.* Diligā te Do-
mine, fortitudo mea:
Domine firmamētum
meum, & refugium
meum, & liberator
meus. Amem te, Deus
meus, adiutor meus,
turis

Desider. & Amor. 95
turr̄is fortitudinis mi-
hi, & spes mea dulcis
in omni tribulatione
mea. Amplectar te bo-
num, sine quo nihil bo-
num: fruar te optimo,
sine quo nihil est opti-
mum. Aperi penetra-
lia aurium mearū ver-
bo penetrabiliōri om-
ni gladio ancipiti, vt
audiam vocem tuam.
Intona, Domine, de-
super voce grandi, &
forti. Tonet mare, &
plenitudo eius: com-
moueatur terra, & om-
nia, quæ in eis sunt.

Igni.

Igniculi pietatis.

Regem in decore
suo videbūt ocu-
li tui, oculi tui videbūt
Ierusalem, habitationē
opulentam; quia solum
modo ibi magnificus
est Deus noster: locus
fluminum, riui latissi-
mi, & patentēs. Do-
minus autē iudex no-
ster, Dominus legifer
noster, Dominus Rex
noster ipse saluabit
nos. *Isais 23.*

Ego dispono vobis
sicut

Desider. & Amor. 97
sicut disposuit mihi pa-
ter meus regnum, vt
edatis, & bibatis super
mensam meam in re-
gno meo. *Luc. 22.*

Qui sanguinē Domi-
ni bibit indignè haud
secus ac qui coinqui-
nat Regis purpuram.
Chryl. in hom. 46. in Io.

POST MISSAM.

*Gratiarum actio, &
Vox laudis.*

Exaltabo te, Deus ^{*Pf. 144.*}
meus Rex, & be-
E nedi-

98 *Die Dominica*

nedicam nomini tuo in
sæculū, & in sæculū sæ-
culi. Per singulos dies
benedicam tibi, & lau-
dabo nomen tuum in
sæculum, & in sæcu-
lum sæculi. Magnus
Psal. 47. Dominus, & laudabi-
lis nimis, & magnitu-
dinis eius non est finis.
Generatio, & genera-
tio laudabit opera tua
& potētiam tuam pro-
nunciabunt. Magnifi-
centiam gloriæ sancti-
tatis tuæ loquentur, &
mirabilia tua narrabūt.
Memoriam abundan-
tiæ suauitatis tuæ eru-
cta-

Grat. actio, &c. 99
Et abunt, & iustitia tua
exultabunt. Misera-
tor, & misericors Do-
minus: patiens, & mul-
tum misericors.

Suauius Dominus v-
niuersis: & miseratio-
nes eius super omnia
opera eius. Confitean-
tur tibi, Domine, om-
nia opera tua, & Sancti
tui benedicant tibi.
Gloriam regni tui dicant,
& potentiam tuam lo-
quantur. Tu enim es
Deus meus, viuus, &
verus, Rex meus ma-
gnus, Dux meus ad pa-
triam, lux mea vera,

E 2 dul-


*S. Aug.
Medit.
cap. 18.*

100 *Die Dominica*

dulcedo mea sãcta, via
mea recta, sapientia
mea præclara, simpli-
citas mea pura, cõcor-
dia mea pacifica, custo-
dia mea tuta, portio
mea bona, salus mea
sempiterna, misericor-
dia mea magna, patiẽ-
tia mea robustissima,
victima mea immacu-
lata, redemptio mea
sancta, spes mea firma,
caritas mea perfecta,
resurrectio mea vera,
vita mea æterna, exul-
tatio, & visio mea bea-
tissima, & sine fine mã-
sura. Te deprecor, sup-
plico,

Grat. actio, &c. TOI
plico, & rogo vt per te
ambulem, ad te perue-
niam, in te requiescã,
qui es via, veritas, &
vita, sine qua nemo ve-
nit ad Patrem.

Beatus venter, qui te *Luce. II.*
portauit, & vbera que
suxisti. Beata viscera
Mariæ Virginis, quæ
portauerunt æterni pa-
tris filium: & beata
vbera, que lactauerunt
Christum Dominum.



E 3 OB-

O B L A T I O .

*Pf. 115.**8.**August.**Medit.**cap. 39.*

SED quid retribuā
Domino pro omni
bus quæ retribuit mi-
hi? Scio, Domine mi
Rex, quia ex hoc quòd
me fecisti, debeo tibi
me ipsum: & quia me
redemisti, & pro me
homo factus es, deberē
tibi plusquam me, si
haberem, quantò tu
maior es, pro quo de-
disti te ipsū. Ecce nec
plus habeo, nec quod
habeo dare tibi possū
fine

sine te. Sed accipe me
tu, & trahe me ad te vt
tuus sim imitatione, &
dilectione, sicut tuus
sum cōditione, & crea-
tione. Tuum, Domi-
ne, sit totum id quod
vivo, & totus totum
me tibi offero. Totus
spiritus, totum cor, to-
tum corpus, tota vita
mea vivat tibi, vita
mea dulcis: quoniam
totum me liberaſti, vt
totum me possideres:
totum me refecisti, vt
totum me rehaberēs.
Diligam te igitur, Do-
mine, virtus mea. Di-

E 4 ligam

104 *Die Dominica*

ligam te, ineffabilis
exultatio mea, & vi-
uat iam non mihi, sed
tibi tota vita mea: quæ
perierat in miseria
mea, resuscitata est in
misericordia tua, qui
es Deus misericors, &
miserator, & multæ
misericordiæ in millia
his, qui diligunt nomen
tuum.

P E T I T I O .

*S. Aug.
Soliloq.
lib. I*

DEUS pater verita-
ritatis, pater sa-
pientiæ, pater veræ sū-
mæ-

Petitio. 105

maque vitæ, pater bea-
titudinis, pater boni, &
pulchri, pater intelli-
bilis lucis, pater euigi-
lationis, atque illumi-
nationis nostræ, pater
pignoris, quo admone-
mur redire ad te. Te
inuoco, Deus veritas,
in quo, & à quo, & per
quem vera sunt quæ
vera sunt omnia. Deus
sapientia, in quo, & à
quo, & per quem sa-
piunt quæ sapiunt om-
nia. Deus vera, & sum-
ma vita, in quo, & à
quo, & per quem vi-
uunt, quæ verè summe-

E 5 que

106 *Die Dominica*

que viuūt omnia. Deus
beatitudo, in quo, & à
quo, & per quem beata
sunt omnia. Deus bo-
num, & pulchrum, in
quo, & à quo, & per
quem bona, & pulchra
sunt quæ bona, & pul-
chra sunt omnia. Deus
intelligibilis lux, in
quo, & à quo, & per
quē intelligibiliter lu-
cent quæ intelligibili-
ter lucēt omnia. Deus,
cuius regnum est to-
tus mundus, quem
sensus ignorat. Deus,
de cuius regno lex etiā
in ista regna describi-
tur.

tur. Deus, à quo euerti
cadere, in quem con-
uerti resurgere, in quo
manere consistere
est. Deus, à quo exire
emori, in quem redire
reuiuiscere, in quo ha-
bitare viuere est. Deus,
quē nemo amittit nisi
deceptus, quem nemo
quærit nisi admonitus,
quem nemo inuenit ni-
si purgatus. Deus, quē
relinquere, hoc est
quod perire, quem at-
tendere, hoc est quod
amare, quem videre,
hoc est quod habere.
Deus, cui nos fides ex-

108 *Die Dominica*
citat, spes erigit, ca-
ritas iungit. Deus, qui
nobis das panem vitæ.
Deus, per quem siti-
mus potum, quo hau-
sto nunquam sitimus.
Deus, cui seruiūt om-
nia, cui obtemperat
omnis bona anima, cu-
ius legibus rotātur po-
li, & cursus suos siede-
ra peragunt. Deus, à
quo manant vsque ad
nos omnia bona, à quo
coërcentur vsque à no-
bis omnia mala: da mi-
hi petitionem meam,
quam postulare do-
cuisti. Adueniat in me
regnum

Petitio . 109

regnum tuum, & fugiat à me regnum diaboli. Auerte à me vanitatem, mentis inconstantiam, cordis vagationem, oris scurrilitatem, oculorum elationem, ventris ingluuiem, opprobria proximorum, scelera detractionum, curiositatis pruriginem, diuitiarum cupidinem, potentatum rapinam, inanis gloriae appetitum, hypocrisis malum, adulationis venenū, cōtemptum inopum, oppressionem debiliū, auaritia

ritia

110 *Die Dominica*
ritiæ ardorem, inuidiæ
rubiginem, blasphemiam mortem. Reseca
in me, factor mi, temeritatem iniquam, pertinaciam, inquietudinem, otiositatem, somnolentiam, pigritiam, mentis hebetudinem cordis cæcitatem, sensus obstinationem, morum truculentiam, boni inobedientiam, consilij repugnantiam, linguæ effrænationem, pauperum prædam, impotentium violentiam, innocentium calūniã, subditorum negligentiam,

Petitio. III
tiam, circa domesti-
cos feueritatem, ad-
uersus familiares im-
pietatem, erga proxi-
mos duritiem, vt oc-
curram tibi Deo meo,
& Regi meo in verita-
te, & in corde perfe-
cto, & laudem te, &
glorificem in sæcula.
Amen.

A Nima Christi sã-
ctifica me:

Corpus Christi salua
me:

Sanguis Christi inebria
me:

Aqua lateris Christi la-
ua me:

Passio

112 *Die Dominica*

Passio Christi conforta
me:

O bone I E S V exaudi
me:

Intra tua vulnera abs-
conde me:

Ne permittas me sepa-
rari à te:

Ab hoste maligno de-
fende me:

In hora mortis meæ
voca me:

Et iube me venire ad
te:

Vt cum Sanctis tuis
laudem te

In sæcula sæculorum.

Amen.

Anima

A Nima Virginis il-
lumina me :

Corpus Virginis custo-
dime :

Lac Virginis pasce
me :

Fletus Virginis purifi-
ca me :

Transitus Virginis cō-
firma me :

O M A R I A , mater
gratiæ , intercede
pro me :

Tibi in famulum sus-
cipe me :

Fac me semper confi-
dere in te :

A malis omnibus pro-
tege me :

In

114 *Die Dominica*
In hora mortis meæ
adiuuā me .
Et iter mihi para tutū
ad te .
Ut cum electis omni-
bus glorificem te
In sæcula sæculorum .

Igniculi pietatis .

Viuat Rex Salo-
mon; amplificet
Dominus nomen eius;
& magnificet thronū
eius . 3. Reg. 2.


Tu es ipse Rex meus,
& Deus meus, qui mā-
das salutes Iacob . in
te

Petitio. 115

te inimicos nostros vé
tilabimus cornu, & in
mine tuo spernemus
insurgentes in nobis.

Psal. 43.

Hofanna filio David.
Benedictus qui venit
in nomine Domini
Rex Israél, Hofanna
in excelsis. *Matt.* 12.



DIE